

# Шин даалгъврмуд авцхав

Элст балгъсна ясврин болн тосхлтин конторин кѳдлмш-чнр, инженерн-техническ кѳдлчнр, СССР-н Деед Советин сунъгъврт белдврин ѳдрмудт делгрѳлгдсн социалистическ дѳрлдәнә дигинь шидр хәләцхәв. Тер дигяр, январь сарин производственн зура 114,3 процент, февраль сарин—146,4 процент кѳцәгдсн, эс гидж негдгч кварталин зура март сарин нег шин кѳртл 86,4 процент кѳцәгдв.

В. А. Кушнарevin гардврт бәәх столярмуд 32 пәтртә герт гаргъгдх магази белдлгъяр авсн даалгъвран 142 процент кѳцәцхәв. Эврә конториннь 16 пәтртә герин штукатурн кѳдлмшин зураг 138 процент кѳргдж, штукатуршикѳд П. Сикоренкон болн И. Бессарабовин бригадс кѳцәв. Беш тәвәч ѳр Я. Донской ѳлгѳр ѳзѳлдж, ѳдрә кѳ-

длмшиннь кемджәгъән 143 процент кѳцәв.

КПСС-н Центральн Комитетин февральск Пленумин шиидврәр болн Н. С. Хрущевин докладин тезисмѳдәр кѳундвр кејж, ясврин болн тосхлтин конторин коллектив шин даалгъвр авб. Эн даалгъврар—июнь сарин нег шин кѳртл 130 минъгън арслнъга тосхлтин кѳдлмш, дакад 12 герт 365 минъгън арслнъга капиталън ясврин кѳдлмш ноябрь сарин нег шин кѳртл кегдхмн. Туунәс онъгдан коммунальн предприятъст темдглгдсн 805 минъгън арслнъга кѳдлмшиг декабрь сарин 5 кѳртл кѳцәх болцхав.

Эн шинәс темдглгдсн кѳдлмшән цагтнь кѳцәхин тѳлә хоорндан социалистическ дѳрлдә ѳргәр делгрѳлджәцхәнә.

И. МАСЛОВ.